



史記目錄

本紀十二卷

第一卷

五帝


第二卷

夏

第三卷

殷

第四卷



周

第五卷

秦

第六卷

始皇

第七卷

項羽

第八卷

高祖

第九卷

呂后

第十卷

孝文

第十一卷

孝景

第十二卷

孝武

年表十卷

第一卷

三代世表

第二卷

十二諸侯年表

第三卷

六國年表

第四卷

秦楚之際月表

第五卷

漢興以來諸侯年表

第六卷

高祖功臣侯年表

第七卷

惠景間侯者年表

第八卷

建元以來王子侯者年表

第十卷

漢興以來將相名臣年表

八書八卷

第一卷

禮書

第二卷

樂書

第三卷

律書

第四卷

歷書

第五卷

天官書

第六卷

封禪書

第七卷

河渠書

第八卷

平準書

世家三十卷

第一卷

吳太伯

第二卷

齊太公

第三卷

魯周公

第四卷

燕召公

第五卷

管叔

第六卷

陳杞

第七卷

衛康叔

第八卷

宋微子

第九卷

晉

第十卷

楚

第十一卷

越王句踐

第十二卷

鄭

第十三卷

趙

第十四卷

魏

第十五卷

韓

第十六卷

田敬仲完

第十七卷

孔子

第十八卷

陳涉

第十九卷

外戚

第二十卷

楚元王

第二十一卷

荆燕

第二十二卷

齊悼惠王

第二十三卷

蕭相國

第二十四卷

曹參

第二十五卷

留侯

第二十六卷

陳丞相

第二十七卷

絳侯周勃

第二十八卷

梁孝王

第二十九卷

五宗

第三十卷

三王

列傳七十卷

第一卷

伯夷

第二卷

管仲 晏平

第三卷

老子 韓非

第四卷

司馬穰苴

第五卷

孫子 吳起

第六卷

伍子胥

第七卷

仲尼弟子

第八卷

商君

第九卷

蘇秦

第十卷

張儀

第十一卷

樗里子

甘茂

第十二卷

穰侯

第十三卷

白起

王翦

第十四卷

孟子

荀卿

第十五卷

孟嘗君

第十六卷

平原君 虞卿

第十七卷

魏公子

第十八卷

春申君

第十九卷

范雎 蔡澤

第二十卷

樂毅

第二十一卷

廉頗 藺相如

第二十二卷

田單

第二十三卷

魯仲連 鄒陽

第二十四卷

屈原 賈生

第二十五卷

呂不韋

第二十六卷

刺客

第二十七卷

李斯

第二十八卷

蒙恬

第二十九卷

張耳 陳餘

第三十卷

魏豹 彭越

第三十一卷

黥布

第三十二卷

淮陰侯

第三十三卷

韓信 盧綰

第三十四卷

田儋

第三十五卷

樊鄴 滕灌

第三十六卷

張丞相

第三十七卷

酈生 陸賈

第三十八卷

傅靳 蒯成

第三十九卷

劉敬 叔孫通

第四十卷

季布 樂布

第四十一卷

袁盎 晁錯

第四十二卷

張釋之 馮唐

第四十三卷

萬石君 張叔

第四十四卷

田叔

第四十五卷

扁鵲 倉公

第四十六卷

吳王濞

第四十七卷

魏其侯 武安侯

第四十八卷

韓長孺

第四十九卷

李將軍

第五十卷

匈奴

第五十一卷

衛將軍 驃騎將軍

第五十二卷

平津侯 王父偃

第五十三卷

南越尉佗

第五十四卷

東越

第五十五卷

朝鮮

第五十六卷

西南夷

第五十七卷

司馬相如

第五十八卷

淮南王 衡山王

第五十九卷

循吏

第六十卷

汲黯 鄭當時

第六十一卷

儒林

第六十二卷

酷吏

第六十三卷

大宛

第六十四卷

游俠

第六十五卷

佞幸

第六十六卷

滑稽

第六十七卷

日者

第六十八卷

龜策

第六十九卷

貨殖

第七十卷

太史公自序

史記目錄終

史紀集解序

裴駟

班固有言曰司馬遷據左氏國語采世本戰國策述楚漢春秋接其後事訖于天漢其言秦漢詳矣至於採經撫傳分散數家之事甚多疏略或有抵牾亦其所涉獵者廣博貫穿經傳馳騁古今上下數千載間斯已勤矣又其是非頗謬於聖人論大道則先黃老而後六經序游俠則退處士而

進姦雄述貨殖則崇勢利而羞賤貧此其所蔽也然自劉向揚雄博極羣書皆稱遷有良史之才服其善序事理辯而不華質而不俚其文直其事核不虛美不隱惡故謂之實錄駟以爲固之所言世稱其當雖時有紕繆實勒成一家總其大較信命世之宏才也考較此書文句不同有多有少莫辯其實而世之惑者定彼從此是非相貧真僞舛雜故中散大夫東莞徐廣研核

衆本爲作音義具列異同兼述訓解粗有所發明而殊恨省略聊以愚管增演徐氏采經傳百家并先儒之說豫是有益悉皆抄內刪其游辭取其要實或義在可疑則數家兼列漢書音義稱臣瓚者莫知氏姓今直云瓚曰又都無姓名者但云漢書音義時見微意有所裨補譬嘒星之繼朝陽飛塵之集華嶽以徐爲本號曰集解未詳則闕弗敢臆說人心不同聞見異辭班氏

所謂疏略抵牾者依違不悉辯也愧非胥臣之多聞子產之博物妄言末學蕪穢舊史豈足以關諸畜德庶賢無所用心而已五帝本紀卷第一

史紀一

凡是徐氏義稱徐姓名以別之餘者悉是駟注解并集衆家義

黃帝者

徐廣曰號有熊

少典之子姓公孫

譙周曰有熊國君少典之子也

皇甫謐曰有熊今河南新鄭是也

名曰軒轅生而神靈弱而能

言幼而徇齊

徐廣曰墨子曰年踰十五則聰明心慮無不徇通矣駟案徇疾齊速

也言聖德幼而疾速也

長而敦敏成而聰明軒轅之

時神農氏世衰

皇甫謐曰易稱庖犧氏沒神農氏作是為炎帝班固曰教民耕農故

號曰神農諸侯相侵伐暴虐百姓而神農氏弗能

征於是軒轅乃習用干戈呂征不享諸侯

咸來賓從而蚩尤最為暴莫能伐

應劭曰蚩尤古天子

瓚曰孔子三朝記曰蚩尤庶人之貪者

炎帝欲侵陵諸侯諸侯咸

歸軒轅軒轅乃修德振兵治五氣

王肅曰五行之氣

藝五種

藝樹也詩云藝之荏菽周禮曰穀宜五種鄭玄曰五種黍稷菽麥稻也

撫萬民

度四方

王肅曰度四方而安撫之

教熊羆貔貅驅虎以與

炎帝戰於阪泉之野

服虔曰阪泉地名皇甫謐曰在上谷

三戰然

後得其志蚩尤作亂不用帝命於是黃帝

乃徵師諸侯與蚩尤戰於涿鹿之野服虔曰涿鹿山

名在涿郡張晏曰涿鹿在上谷遂禽殺蚩尤皇覽曰蚩尤冢在東平郡壽張縣闕鄉城

中高七丈民常十月祀之有赤氣出如匹絳帛民名為蚩尤旗肩髀冢在山陽郡鉅野縣重聚大小與闕

冢等傳言黃帝與蚩尤戰於涿鹿之野黃帝殺之身體異處故別葬之而諸侯咸尊

軒轅為天子代神農氏是為黃帝天下有

不順者黃帝從而征之平者去之披山通道

徐廣曰披他本亦作破字蓋當為訛訛者旁其未

嘗寧居東至于海登丸山徐廣曰丸一作凡駟案地理志曰丸山在

郎邪朱虛縣及岱山宗西至于空桐應劭曰山名韋昭曰在隴右

登雞頭南至于江登熊湘封禪書曰南伐至于召陵登熊山地理志曰湘

山在長沙益陽縣北逐葷粥匈奴傳曰唐虞以上有山戎獫狁葷粥居于北蠻合符

釜山而邑于涿鹿之阿遷徙往來無常處

以師兵為營衛官名皆以雲命為雲師應劭

曰黃帝受命有雲瑞故以雲紀事也春官為青雲夏官為縉雲秋官為白雲冬官為黑雲中官為黃雲張

晏曰黃帝有景雲之應因以名師與官置左右大監監于萬國萬

國和而鬼神山川封禪與為多焉徐廣曰多一作朋

獲寶鼎迎日推策晉灼曰策數也迎數之也瓚曰日月朔望未來而推之故曰迎日

舉風后力牧常先大鴻鄭玄曰風后黃帝三公也班固曰力牧黃帝相

也大鴻見封禪書以治民順天地之紀幽明之占死

生之說徐廣曰一云幽明之數合死生之說存亡之難時播百穀

王肅曰時是也草木淳化鳥獸蟲蛾旁羅日月星辰

水波徐廣曰一作沃土石金玉勞勤心力耳目節用

水火材物有土德之瑞故號黃帝黃帝二

十五子其得姓者十四人黃帝居軒轅之

丘皇甫謐曰受國於有熊居軒轅之丘故因以為名又以為號山海經曰在窮山之際西射之南張晏曰作軒

曩之服故謂之軒轅而娶於西陵之女是為嫫祖徐廣曰祖一作

祖嫫力追反嫫祖為黃帝正妃生二子其後皆有

天下其一曰玄囑是為青陽青陽降居江

水其二曰昌意降居若水昌意娶蜀山氏

女曰昌僕生高陽高陽有聖德焉黃帝崩

皇甫謐曰在位百年而崩年百一十一歲葬橋山皇覽曰黃帝冢在上郡橋山其孫

昌意之子高陽立是為帝顓頊也

帝顓頊高陽者皇甫謐曰都帝丘今東郡濮陽是也黃帝之孫

而昌意之子也靜淵以有謀疏通而知事

養材以任地載時以象天依鬼神以制義

治氣以教化潔誠以祭祀北至于幽陵南

至于交趾西至於流沙地理志曰沅沙在張掖居延縣東至

于蟠木海外經曰東海中有山焉名曰度索上有大桃樹屈蟠三千里動靜之物

大小之神日月所照莫不砥屬王肅曰砥平也四遠皆平

而來帝顓頊生子曰窮蟬顓頊崩皇甫謐曰在位七十

八年年九十八皇覽曰顓頊冢在東郡濮陽頓而立

而玄帝之孫高辛立是為帝嚳

帝嚳高辛者張晏曰少昊之前天下之號因其名高陽高

辛皆所興之地名顓頊與黃帝之曾孫也高辛

學詩以字為號上古質故

父曰蟠極蟠極父曰玄嚳玄嚳父曰黃帝

自玄嚳與蟠極皆不得在位至高辛即帝

位皇甫謐曰都亳今河南偃師是高辛於顓頊為族子高辛

生而神靈自言其名普施利物不於其身

聰以知遠明以察微順天之義知民之急

仁而威惠而信脩身而天下服取地之財

而節用之撫教萬民而利誨之曆日月而

迎送之明鬼神而敬事之其色郁郁其德

嶷嶷其動也時其服也士帝嚳漑執中而

徧天下徐廣曰古既字作水旁徧字一作尹日月所照風雨所至

莫不從服帝嚳娶陳鋒氏女生放劬娶嫫

訾氏女生摯帝嚳崩皇甫謐曰在位七十年年百五歲皇覽曰帝嚳冢在

東郡濮陽頓丘城南臺陰野中而摯代立帝摯立不善崩而

弟放勳立是為帝堯帝堯者謐法曰翼善傳聖曰堯放

勳徐廣曰號陶唐皇甫謐曰堯以甲申歲生甲辰即帝位田午徵舜甲寅舜代行天子事辛巳崩

年百一十八在位九十八年其仁如天其知如神就之如日

望之如雲富而不驕貴而不舒黃收純衣

徐廣曰純一作絞駟案太古冠冕圖云夏各冕曰收禮記曰野夫黃冠鄭玄曰純衣士之祭服彤車乘

白馬能明馴德徐廣曰馴古訓字以親九族九族既睦

便章百姓徐廣曰不云便程東作然則訓平為便也駟案尚書並作平字孔安國曰百姓百官

鄭玄曰百姓羣臣之父子兄弟百姓昭明合和萬國乃命羲和

孔安國曰重黎之後羲氏和氏世掌天地之官敬順昊天數法日月星

辰敬授民時分命羲仲居郁夷曰暘谷尚書作嵎

夷孔安國曰東表之地稱嵎夷日出於暘谷羲仲治東方之官敬道日出便程東

作孔安國曰敬道出日平均次序東作之事以務農也日中星鳥以殷中春

孔安國曰日中謂春分之日也鳥南方朱鳥七宿也殷正也春分之昏鳥星畢見以正仲春之氣節轉以推孟季則

可知也其民析鳥獸字微孔安國曰春事既起丁壯就功言其氏老

壯分析也乳化曰字尚書微
作尾字說文云尾交接也
國曰夏與春交此
治南方之官也
申命羲叔居南交

便程南譌敬致
孔安國曰譌化也
平序分南方化育

之事敬行其教
以致其功也
日永星火以正中夏
孔安國曰永長也謂夏至之日

火蒼龍之中星舉中則七星見可知也以正中夏之
節馬融王肅謂日長晝漏六十刻鄭玄曰五十五刻

其民因鳥獸希革
孔安國曰因謂老弱因就在
田之丁壯以助農也夏時鳥

獸毛羽希少改
易也革改也
申命和仲居西土
徐廣曰一無土字以為西者今

天水之西縣也駟案鄭玄曰西
者隴西之西今人謂之允山
曰昧谷
徐廣曰一作柳谷駟案孔安國

曰日入于谷而天下冥故曰昧谷
此居治西方之官掌秋天之政也
敬道日入便程西

成
孔安國曰秋西方萬物成也
夜中星虛以正中秋
孔安國曰春秋言日秋

言夜互相備也虛玄武之中星亦言
七星皆以秋分日見以正三秋也
其民夷易鳥

獸毛毳
孔安國曰夷平也老壯者在田與
夏平也毳理也毛更生曰整理
申命和叔

居北方曰幽都
孔安國曰北稱幽都謂所聚也
便在伏物日短

星昴以正中冬
孔安國曰日短冬至之日也昴白虎
之中星亦以七星並見以正冬節也

馬融王肅謂日短晝漏四
十刻鄭玄曰四十五刻
其民燠鳥獸毳毛
徐廣曰

曰毳音葦駟案孔安國曰民入室
處鳥獸皆生毳毳細毛以自溫也
歲三百六十六

日以閏月正四時信飭
徐廣曰古勅字
百官衆功皆

興堯曰誰可順此事放齊曰嗣子丹朱聞

明
孔安國曰放齊臣名
堯曰吁頑凶不用
孔安國曰吁疑怪之辭
堯又

曰誰可者謹兜曰共工旁聚布功可用孔安

國曰謹兜臣名鄭堯曰共工善言其用僻似安

恭漫天不可堯又曰嗟四嶽鄭立曰四嶽四時

湯湯洪水滔天浩浩懷山襄陵孔安國曰懷

下民其憂有能使治者皆曰鯀可馬融曰鯀

堯曰鯀力負命毀族不可嶽曰异哉試不可

用而已堯於是聽嶽用鯀九歲功用不成

堯曰嗟四嶽朕在位七十載汝能庸命踐

朕位鄭玄曰言汝嶽族之中有能順事用天嶽應

曰鄙德忝帝位堯曰采舉貴戚及疏遠隱

匿者衆皆言於堯曰有矜在民間曰虞舜

孔安國曰堯曰然朕聞之其何如嶽曰盲者

子父頑母嚚弟傲能和以孝烝烝治不至

姦孔安國曰不堯曰吾其試哉於是堯妻之

二女觀其德於二女舜飭下二女於媯汭

孔安國曰舜所如婦禮堯善之乃使舜慎和

五典鄭玄曰五典五教也五典能從乃徧入百

官百官時序賓於四門四門穆穆諸侯遠

方賓客皆敬馬融曰四門宮四門諸侯羣臣堯使

舜入山林川澤暴風雷雨舜行不迷堯以

為聖召舜曰女謀事至而言可績三年矣

鄭玄曰三年者賓四門之後三年也女登帝位舜讓於德不懌

徐廣曰音亦今文尚書作不怡怡懌也正月上日馬融曰上日胡日也舜受終

於文祖文祖者堯大祖也鄭玄曰文祖者五府之大名猶周之明堂於是

帝堯老命舜攝行天子之政以觀天命舜

乃在璿璣玉衡以齊七政鄭玄曰璿璣王衡渾天儀也七政日月五星也

遂類於上帝鄭玄曰禮祭上帝於圓丘禋于六宗鄭玄曰六宗星辰司

中司命風師雨師也駟案六宗義眾矣愚謂鄭說為長望於山川辯於群

神徐廣曰辯音班駟案鄭玄曰群神若丘陵墳衍輯五瑞擇吉月日見

四嶽諸牧班瑞馬融曰輯斂也五瑞公侯伯子男所執以為瑞信也堯將禪舜

使群牧斂之使舜親往班之歲二月東巡狩至於岱宗柴

馬融曰舜受終後五年之二月鄭玄曰建卯之月也柴祭東嶽者考績柴燎也望秩於山

川遂見東方君長合時月正日鄭玄曰協正四時之月數

及日名備有失誤同律度量衡鄭玄曰同律度量丈尺量斗斛衡斤兩也脩五

禮馬融曰吉凶賓軍嘉也五玉鄭玄曰即五瑞也執之曰瑞陳列曰玉三帛馬融曰三

孤所執也鄭玄曰帛所以薦玉也必三者高陽氏後用赤繒高辛氏後用黑繒其餘諸侯皆用白繒二

生一死為摯

馬融曰摯二生羔鴈卿大夫所執一死雉士所執

如五器卒

乃復

馬融曰五器上五玉五禮終則還之三帛已下不還

五月南巡狩八

月西巡狩十一月北巡狩皆如初歸至于

祖禰廟用特牛禮五歲一巡狩羣后四朝

鄭玄曰巡狩之年諸侯見於方嶽之下其間四年四方諸侯分來朝於京師也徧告以言明試

以功車服以庸肇十有二州決川

馬融曰禹平水土置九州舜以

冀州之北廣大分置并州燕齊遠遠分燕置幽州分齊為營州於是為十二州也鄭玄曰更為之定界潛水害也象以

典刑

馬融曰言各歸制五常之刑無犯之者但有其象無其人也

流宥五刑

馬融曰流放宥

寬也一曰幼少二曰老耄三曰瘖愚五刑墨劓刑宮大辟

鞭作官刑

馬融曰為辨治官事者為刑

扑作教刑

鄭玄曰扑擗楚也扑為教官為刑者

金作贖刑

馬融曰金黃金也意

善功惡使出金贖罪坐不戒慎者

眚哉過赦

鄭玄曰眚哉為人所患害者也過失

雖有害怙終則赦之怙終

徐廣曰一作衆賊刑

鄭玄曰怙其姦邪終身以為殘賊則用刑之

欽哉欽哉惟刑之靜哉

徐廣曰今文云惟刑之謚哉爾雅曰謚靜也

謹

堯進言共工堯曰不可而試之工師共工

果淫辟四嶽舉鯀治鴻水堯以為不可嶽

彊請試之試之而無功故百姓不便三苗

馬融曰國名也

在江淮荆州數為亂於是舜歸而言

於帝請流共工於幽陵

馬融曰北裔也以變北狄

徐廣

曰變一放謹堯於崇山馬融曰南裔也以變南蠻遷三

苗於三危馬融曰西裔也以變西戎殛鯀於羽山馬融

曰殛誅也羽山東裔也以變東夷四臯而天下咸服堯

立七十年得舜二十年而老令舜攝行夫

子之政薦之於天堯辟位凡二十八年而

崩徐廣曰堯在位凡九十八年駟案皇覽曰堯冢在濟陰城陽劉向曰堯葬濟陰丘隴山呂氏春秋曰堯葬穀林

皇甫謐曰穀林即城陽堯都平陽於詩為唐國百姓悲哀如喪父母三年四

方莫舉樂以思堯堯知子丹朱之不肖不

足授天下於是乃權授舜授舜則天下得

其利而丹朱病授丹朱則天下病而丹朱

得其利堯曰終不以天下之病而利一人

而卒授舜以天下堯崩三年之喪畢舜讓

辟丹朱於南河之南劉熙曰南河九河之最在南者諸侯朝覲

者不之丹朱而之舜獄訟者不之丹朱而

之舜謳歌者不謳歌丹朱而謳歌舜舜曰

天也夫而後之中國踐天子位焉劉熙曰天子之位不

可曠年於是遂返格于文祖而當帝位帝王所都為中故曰中國是為帝舜

虞舜者駟案謚法曰仁聖威明曰舜名曰重華徐廣曰皇甫謐云舜以堯之二十一

年甲子生三十一年甲午徵用七十九年壬午即真百歲癸卯崩

重華父曰瞽叟瞽

叟父曰橋牛橋牛父曰句望句望父曰敬

康敬康父曰窮蟬窮蟬父曰帝顓頊顓頊

父曰昌意以至舜七世矣自從窮蟬以至

帝舜皆微為庶人舜父瞽叟盲而舜母死

瞽叟更娶妻而生象象傲瞽叟愛後妻子

常欲殺舜舜避逃及有小過則受罪順事

父及後母與弟日以篤謹匪有懈舜冀州

之人也舜耕歷山

鄭玄曰在河東

漁雷澤

鄭玄曰雷夏兖州澤今屬

濟陶河濱

皇甫謐曰濟陰定陶西南陶丘亭是也

作什器於壽丘

皇甫謐曰在魯東門之北

就時於負夏

鄭玄曰負夏衛地

舜父瞽叟

頑母嚚弟象傲皆欲殺舜舜順適不失子

道兄弟孝慈欲殺不可得即求常在側舜

年二十以孝聞三十而帝堯問可用者四

嶽咸薦虞舜曰可於是堯乃以二女妻舜

以觀其內使九男與處以觀其外舜居媯

汭內行彌謹堯二女不敢以貴驕事舜親

戚甚有婦道堯九男皆益篤舜耕歷山歷

山之人皆讓畔漁雷澤雷澤上人皆讓居

陶河濱河濱器皆不苦窳史記音隱曰音游一甫反駟謂窳病也

年而所居成聚二年成邑三年成都堯乃

賜舜絺衣與琴為築倉廩予牛羊瞽叟尚

復欲殺之使舜上塗廩瞽叟從下縱火焚

廩舜乃以兩笠自扞而下去得不死後瞽

叟又使舜穿井舜穿井為匿空旁出舜既

入深瞽叟與象共下土實井舜從匿空出

去劉熙曰舜以權謀自免亦大聖有神之助也瞽叟象喜以舜為已

死象曰本謀者象象與其父母分於是曰

舜妻堯二女與琴象取之牛羊倉廩予父

母象乃止舜宮居鼓其琴舜往見之象鄂

不懌曰我思舜正鬱陶舜曰然爾其庶矣

舜復事瞽叟愛弟彌謹於是堯乃試舜五

典百官皆治昔高陽氏有才子八人名見左傳世

得其利謂之八愷賈逵曰愷和也高辛氏有才子八

人名見左傳世謂之八元賈逵曰元善也此十六族者世濟

其美不隕其名至於堯堯未能舉舜舉八

愷使主后土

王肅曰君治九土之宜杜預曰后土地也

以揆百事莫不

時序舉八元使布五教于四方父義母慈

兄友弟恭子孝內平外成昔帝鴻氏有不

才子

賈逵曰帝鴻黃帝也不才子其苗裔謹堯也

掩義隱賊好行凶

慝天下謂之渾沌少暉氏

服虔曰金天氏帝號

有不才

子毀信惡忠崇飾惡言天下謂之窮奇

服虔

曰謂共工氏也其行窮而好奇

顓頊氏有不才子不可教訓不

知話言天下謂之檇杌

賈逵曰檇杌凶無疇匹之兒謂鯀也

此三

族世憂之至于堯堯未能去縉雲氏

賈逵曰縉

姜姓也炎帝之苗裔當黃帝時在縉雲之官也

有不才子貪於飲食冒

于貨賄天下謂之號餐天下惡之比之三

凶

杜預曰非帝子孫故別之以比三凶也

舜賓於四門乃流四凶

族遷于四裔

賈逵曰四裔之地去王城四千里

以御螭魅

服虔曰魑魅人

面獸身四足好惑人山林異氣所生以為人害於是四門辟言母凶人

也舜入于大麓烈風雷雨不迷堯乃知舜

之足授天下堯老使舜攝行天子政巡狩舜

得舉用事二十年而堯使攝政攝政八年

而堯崩三年喪畢讓丹朱天下歸舜而禹

臯陶契后稷伯夷夔龍垂益彭祖自堯時而皆舉用未有分職於是舜乃至於文祖謀于四嶽辟四門明通四方耳目命十二牧論帝德行厚德遠佞人則蠻夷率服舜謂四嶽曰有能奮庸馬融曰奮明庸功也美堯之事者使居官相事皆曰伯禹為司空可美帝功舜曰嗟然禹汝平水土維是勉哉禹拜稽首讓於稷契與臯陶舜曰然往矣鄭玄曰然其舉得其人汝往居此官不聽其所讓也舜曰棄黎民始飢徐廣曰今又尚書作祖飢

祖始也汝后稷播時百穀鄭玄曰時讀曰蒔舜曰契百姓

不親五品不馴鄭玄曰五品父母兄弟子也王肅曰五品五常也汝為司

徒而敬敷五教在寬馬融曰五品之教舜曰臯陶蠻

夷猾夏鄭玄曰猾夏侵亂中國也寇賊姦軌鄭玄曰由內為姦起外為軌汝

作士馬融曰獄官之長五刑有服五服三就馬融曰五刑墨劓剕宮大

辟三就謂大罪陳諸原野次罪於市朝同族適甸師氏既服五刑當就三處

五流有度五度三居維明能信馬融曰謂在八議君不忍刑宥之以遠五等之差亦有三等之居大

罪投四裔次九州之外次中國之外當明其罪能使信服之

舜曰誰能馴予工馬融曰為司空共理百工皆曰垂可於是以垂為共工

曰謂主百工之官也

之馬融曰上謂事舜曰惟能馴予上下原下謂隰草木鳥

獸皆曰益可於是益為朕虞馬融曰虞掌山澤之官名

益拜稽首讓于諸臣朱虎熊羆舜曰往矣

汝諧遂以朱虎熊羆為佐舜曰嗟四嶽有

能典朕三禮馬融曰三禮天神地祇人鬼之禮也鄭玄曰天事地事人事之禮也皆

曰伯夷可舜曰嗟伯夷以汝為秩宗鄭玄曰

尊夙夜維敬直哉維靜絜伯夷讓夔龍舜

曰然以夔為典樂教稷子鄭玄曰國子也案尚書作胃子孔安國曰

稷胃聲直而溫馬融曰正直而色溫寬而栗馬融曰寬

大而謹敬剛而母虐簡而母傲詩言意謂張

言馬融曰詩所以長言詩之意也聲依詠律和聲鄭玄曰聲之曲折又依長言聲

中律乃為和也八音能諧母相奪倫神人以和鄭玄曰

格羣后德讓其一隅也夔曰於予擊石拊石百獸率舞

鄭玄曰百獸服不氏所養者也率稱言音和也舜曰龍朕畏忌讒說殄

偽振驚朕眾徐廣曰一云齊說殄行振驚眾駟案

我之眾臣使之疑惑命汝為納言夙夜出入朕命惟信

舜曰嗟女二十有二人馬融曰稷契皋陶皆居官久有成功但述而美之無

所復勅禹及垂已下皆初命凡六人與上十二牧四嶽凡二十二人鄭玄曰皆格于文祖時所勅命也

斲哉惟時相天事三歲一考功三考繼陟

遠近衆功咸興分北三苗鄭玄曰所竄三苗為西裔諸侯者猶為惡

乃復分祈流之此二十二人咸成厥功皐陶為大理

平民各伏得其實伯夷主禮上下咸讓垂

主工師百工致功益主虞山澤辟棄主稷

百穀時茂契主司徒百姓親和龍主賓客

遠人至十二牧行而九州莫敢辟違唯禹

之功為大披九山通九澤決九河定九州

各以其職來貢不失厥宜方五千里至于

荒服南撫交趾北發西戎析枝渠廈氏羌

北山戎發息慎鄭玄曰息慎或謂之肅慎東北夷東長島夷四

海之內咸戴帝舜之功於是禹乃興九招

之樂致異物鳳皇來翔天下明德皆自虞

帝始舜年二十以孝聞年三十堯舉之年

五十攝行天子事年五十八堯崩年六十

一代堯踐帝位皇甫謐曰舜所都或言蒲坂或言平陽或言潘潘今上谷也踐

帝位三十九年南巡狩崩於蒼梧之野葬

於江南九疑是為零陵皇覽曰舜冢在零陵營浦縣其山九疑皆相似

故曰九疑傳曰舜葬蒼梧象為之耕禮記曰舜葬蒼梧二妃不從山海經曰蒼梧山帝舜葬于陽丹朱葬

於陰皇甫謐曰或曰二妃葬衡山舜之踐帝位載天子旗往朝

父瞽叟憂憂唯謹徐廣曰和敬貌如子道封弟象

為諸侯孟子曰封之有庫音鼻舜子商均亦不肖皇甫謐曰

娥皇無子女英生商均舜乃豫薦禹於天十七年而崩

三年喪畢禹亦乃讓舜子如舜讓堯子諸

侯歸之然後禹踐天子位堯子丹朱舜子

商均皆有疆土譙周曰以唐封堯之子以虞封舜之子以奉先祀

服其服禮樂如之以客見天子天子弗臣

示不敢專也自黃帝至舜禹皆同姓而異

其國號以章明德徐廣曰外傳曰黃帝二十五子其得姓者十四人虞翻云以德

為氏姓又虞說以凡有二十五人其二人同姓姬又

十一人為十一姓酉祁已滕葦住荀整姁嫫衣是也

餘十二姓德故黃帝為有熊帝顓頊為高陽

帝譽為高辛帝堯為陶唐韋昭曰陶唐皆國名猶湯稱殷商矣張晏

曰堯為唐虞國於中山唐縣是也帝舜為有虞皇甫謐曰舜嬪子

東大陽西山帝禹為夏后而別氏姓姒氏契

為商姓子氏棄為周姓姬氏鄭玄曰駁許慎五經異義曰春秋左傳無駁卒

羽父請謚與族公問族於眾仲眾仲對曰天子建德因生以賜姓肝之士而命之氏諸侯以字為氏因

以為族官有世功則有官族邑亦如之公命以字為展氏以此言之天子賜姓命氏諸侯命族族者氏之別名也姓者所以統繫百世使不別也氏者所以別子孫之所出故世本之篇言姓則在上言氏則在下也

太史公曰學者多稱五帝尚矣然尚書獨載堯以來而百家言黃帝其文不雅馴薦紳先生難言之

徐廣曰薦紳即摺紳也古字假借

孔子所傳

宰予問五帝德及帝繫姓儒者或不傳余嘗西至空峒北過涿鹿東漸於海南浮江淮矣至長老皆各往往稱黃帝堯舜之處風教固殊焉總之不離古文者近是予觀

春秋國語其發明五帝德帝繫姓章矣顧

弟弗深考

徐廣曰弟但也史記漢書見此者非一又左思蜀都賦曰弟如滇池而不詳者

多以為字誤學者安可不博觀乎

其所表見皆不虛書缺有

間矣其軼乃時時見於他說非好學深思心知其意固難為淺見寡聞道也余并論次擇其言尤雅者故著為本紀書首

五帝本紀卷第一

夏本紀第二

夏禹

謚法曰受禪
成功曰禹

名曰文命禹之父曰鯀鯀

之父曰帝顓頊顓頊之父曰昌意昌意之

父曰黃帝禹者黃帝之玄孫而帝顓頊之

孫也禹之曾大父昌意及父鯀皆不得在

帝位為人臣當帝堯之時鴻水滔天浩浩

懷山襄陵下民其憂堯求能治水者羣臣

四嶽皆曰鯀可堯曰鯀為人負命毀族不

可四嶽曰等之未有賢於鯀者願帝試之

於是堯聽四嶽用鯀治水九年而水不息
功用不成於是帝堯乃求人更得舜舜登
用攝行天子之政巡狩行視鯀之治水無
狀乃殛鯀於羽山以死天下皆以舜之誅
為是於是舜舉鯀子禹而使續鯀之業堯
崩帝舜問四嶽曰有能成美堯之事者使
居官皆曰伯禹為司空可成美堯之功舜
曰嗟然命禹女平水土維是勉之禹拜稽
首讓於契后稷臯陶舜曰女其往視爾事

矣禹為人敏給克勤其德不違其仁可親

其言可信聲為律身為度王肅曰以身為法度稱以出

徐廣曰一作土臯臯穆穆為綱為紀禹乃遂與益后

稷奉帝命命諸侯百姓與人徒以傳土尚書傳作

數馬融曰數分也行山表木定高山大川馬融曰定其差秩祀禮所

視也駟案尚書大傳曰高山大川五嶽四瀆之屬禹傷先人父鯀功之

不成受誅乃勞身焦思居外十三年過家

門不敢入薄衣食致孝于鬼神馬融曰祭祀豐潔卑

宮室致費於溝洫包氏曰方里為井井間有溝溝廣深四尺十里為成成間

有減減廣深八尺陸行乘車水行乘船泥行乘橇書或作蒹駟案孟康曰橇形如箕橇行泥上如溟

曰橇音茅蒹之蒹謂以板置其泥上以通行路也

行乘橇徐廣曰橇一作橋音丘遙反駟案如淳曰橇車謂以鐵如錐頭長半寸施之履下以

上山不蹉跌也又音紀錄反左準繩右規矩王肅曰左右言常用也載四

時王肅曰所以行不遠四時之宜也以開九州通九道陂九澤

度九山令益予衆庶稻可種卑濕命后稷

予衆庶難得之食食少調有餘相給以均

諸侯禹乃行相地宜所有以貢及山川之

便利禹行自冀州始冀州既載孔安國曰堯所都也先施貢賦

役計於書也鄭玄曰兩河間曰冀州壺口治梁及岐鄭玄曰地理志壺口在河東北

既修太原至於嶽陽孔安國曰嶽陽在左馮翊夏陽岐在右扶風美陽

今為郡名太嶽在太原西南山南曰陽覃懷致功孔安國曰覃懷近河地名鄭玄曰懷縣屬

至于衡漳孔安國曰漳水橫流其土白壤孔安國曰土無塊曰壤

賦上上錯孔安國曰上上第一錯雜也雜出第二之賦田中中孔安國曰九州

之中為常衛既從大陸既為鄭玄曰地理志恒水出恒山衛水在

靈壽大陸島夷衣服鄭玄曰島夷東北之民賦食鳥獸者孔安國曰服其皮明

夾右碣石入于海孔安國曰碣石海畔之山也徐廣曰海一作河

濟河維沈州鄭玄曰言沈州之界在此兩水之間九河既道馬融曰九

河名徒駭太史馬頰覆雷夏既澤雍沮會同鄭玄

金胡蘇簡紮鈞盤鬲津曰雍水沮水相觸而合入此澤中地理志曰雷澤在濟陰城陽桑土既蠶於是民得下

丘居土孔安國曰大水去民丘居平土就桑蠶其土黑墳孔安國曰色黑而墳起

草繇木條孔安國曰繇茂條長也田中下孔安國曰第六賦貞作十

有三年乃同鄭玄曰真正也治此州正作不休十三年乃有賦與八州同言功難也其賦下下

其貢漆絲其篚織文孔安國曰地宜漆林又宜蠶織文錦綺之屬盛之篚篚而貢焉

浮於濟漯通於河鄭玄曰地理志云漯水出東郡東武陽海岱維青

州鄭玄曰東自海西至岱東嶽曰岱山隅夷既略維淄既道馬融曰隅夷地名用功少

曰略鄭玄曰地理志維水出琅邪淄水出泰山萊蕪縣原山其土白墳海濱廣瀉徐廣

曰一作澤又作斤厥田斤鹵鄭玄曰斤謂地鹵鹵田上下賦中上孔安國曰

田第三賦第四厥貢鹽絺海物維錯孔安國曰絺細葛錯雜非一種鄭玄曰海

物海魚也魚種類尤雜岱畎絲枲鉛松怪石孔安國曰畎谷也怪異好石似

王者岱山之谷此五物皆貢之萊夷為牧孔安國曰萊夷地名可以牧放其篚匭

絲孔安國曰匭桑蠶絲中為琴瑟弦浮於汶通於濟鄭玄曰地理志汶水出泰山萊

蕪縣原山西南入濟海岱及淮惟徐州孔安國曰東至海北至岱南及淮淮

沂其治蒙羽其藝鄭玄曰地理志沂水出泰山蓋縣蒙羽二山名孔安國曰二水已

二山可大野既都鄭玄曰大野在山陽鉅野北名鉅野澤孔安國曰水所停曰都東

原底平鄭玄曰東原地名今東平郡即東原其土赤埴墳徐廣曰埴黏土也

草木漸包孔安國曰漸進長包藁生也其田上中賦中中孔安

國曰田第貢維土五色鄭立曰土五色者所以為太社之卦羽畎夏

狄孔安國曰夏狄狄雉名也嶧陽孤桐孔安國曰嶧山之陽特生桐中

琴瑟鄭立曰地理志嶧山在下邳泗濱浮磬孔安國曰泗水涯水中曰元石可以為磬鄭立曰泗水

出濟陰乘氏也淮夷蠙珠泉魚孔安國曰淮夷二水出蠙珠及美魚鄭立曰淮夷淮水之上民也

其篚玄纁縞鄭立曰纁細也浮于淮泗通于河

淮海維揚州孔安國曰北彭蠡既都陽鳥所

居鄭立曰地理志彭蠡澤在豫章彭澤西孔安國曰隨陽之鳥鴻雁之屬冬月居此澤也三江既

入震澤致定孔安國曰震澤吳南太湖名竹箭則既

布孔安國曰水去布生其草惟夭其木惟喬少長曰天其

土塗泥馬融曰漸洳也田下下賦下上上雜孔安國曰田第九賦

第七雜出第六貢金三品孔安國曰金銀銅瑤琨竹箭孔安

瑤琨皆美玉也齒革羽旄孔安國曰象齒犀皮鳥羽旄牛尾也島夷卉服孔安

南海島夷草服葛越其篚織貝孔安國曰織細繒也貝水物也鄭

織者先染其絲織之即成矣其包橘柚錫貢孔安國曰小曰橘大曰

鄭立曰有錫則貢之或時均江海通淮泗鄭立曰均讀

也荆及衡陽維荊州孔安國曰北據荆山南及衡山之陽江漢朝宗

于海孔安國曰二水經此州而入海有九江甚中孔安

國曰江於此州界分為九道甚得地勢之中鄭
玄曰地理志九江在尋陽南皆東合為大江 沱沔

已道孔安國曰沱江別名沔水名雲夢土為治孔安國曰

雲夢之澤在江南其中有平土 其土塗泥田下

中賦上下孔安國曰田貢羽旄齒革金三品

柁榦栝栢鄭玄曰四木名孔安國曰栝礪砥砮丹孔

國曰砥細於礪皆磨石也 維筥籥栝徐廣曰一作

栝也音怙箭足者欠鏃也或以箭足訓 三國致貢其

名馬融曰言筥籥栝三包匭菁茅鄭玄曰匭纏

刺者給宗廟縮酒重 其篚玄纁璣組孔安國曰此

善故貢之璣珠類生 九江入賜大龜孔安國曰尺

出於九江水中龜不 浮於江沱沔於漢踰于雒

至於南河荆河惟豫州孔安國曰西南至伊雒

廛澗既入於河孔安國曰伊出陸渾山洛出上洛山

流而 滎潘既都孔安國曰滎澤名道荷澤被明

都孔安國曰荷澤在胡陵明都澤其土壤下土墳

壚孔安國曰壚疏也馬融曰豫田中上賦雜上中

孔安國曰田第四賦 貢漆絲紵其篚織絮孔

國曰細 錫貢磬錯孔安國曰治玉石浮於雒達於

河華陽黑水惟梁州孔安國曰東據華山之南西距黑水汶嶓既

甄鄭玄曰地理志岷山在蜀郡前氏道嶓冢山在漢陽西沱泔既道孔安國曰沱潛發源

此州人蔡蒙旅平孔安國曰蔡蒙二山名祭山曰旅平言治功畢也鄭互曰地理志蔡蒙在

漢嘉縣和夷氏績馬融曰和夷地名也其土青驪孔安國曰田色青黑也田

下上賦下中三錯孔安國曰田第七賦第八雜出第七第九三等貢璆

鐵銀鏤砮磬孔安國曰璆玉名鄭玄曰黃金之美者謂之鏤鏤剛鐵可以刻鏤也熊

熊狐狸織皮孔安國曰貢四獸之皮也織皮今罽也西傾因栢是

來馬融曰治西傾山因栢水是來言無餘道也鄭玄曰地理志西傾山在隴西臨洮浮于潛

踰于沔孔安國曰漢上水為沔鄭玄曰或謂漢為沔入于渭亂于河

孔安國曰正絕流曰亂黑水西河維雍州孔安國曰西距黑水東據河龍

門之河在冀州西弱水既西孔安國曰導之西流至於合黎鄭玄曰衆水皆東此獨西

流涇屬渭汭孔安國曰屬逮也水北曰汭言治涇水入於渭也鄭玄曰地理志涇水出

安定涇陽漆沮既從灃音豐水所同孔安國曰漆沮之水已從入渭

灃水所同同於渭也荆岐已旅孔安國曰荆在歧東非荆州之荆也終南敷物

至于鳥鼠孔安國曰三山名言相望也鄭玄曰地理志終南敷物皆在右扶風武功也原

隰底績至于都野鄭玄曰地理志都野在武威名曰休屠澤三危既

度三苗大序孔安國曰西裔之山只可居三苗之族大有次序禹之功也其土

黃壤田上上賦中下孔安國曰田第一賦第六人功少貢璆琳琅

玕孔安國曰璆琳皆玉名琅玕石名而似珠者浮於積石至於龍門

西河孔安國曰積石山在金城西南河所經也龍門山在河東之西界會于渭汭

織皮昆侖折支渠搜西戎即序孔安國曰織皮毛布此四

國在荒服之外流沙之內羌髡之屬道九山沂及岐

皆就次序之美禹之功及戎狄也鄭玄曰地理志沂在右扶風也至于荆山踰于河壺口雷首至于

太嶽孔安國曰三山在冀州太嶽在上黨西也砥柱折城至於王屋孔安

國曰此三山在冀州之南河之北太行常山至于碣石入于海

孔安國曰此二山在連延東北接碣石而入于滄海西傾朱圉鳥鼠鄭玄曰

曰朱圉在漢陽南孔安國曰鳥鼠山渭水所出在隴西之西至于太華熊耳外方

桐栢至于負尾鄭玄曰地理志太華山在弘農蕩陰南熊耳在盧氏東外方在潁川

高高山桐栢山在南陽平氏東南道嶠冢至于荆

陪尾在江夏安陸東北若橫尾者山鄭玄曰地理志荆山在南郡臨沮內方至于大別鄭玄曰地理志

立章山大別在廬江安豐縣汶山之陽至于衡山過九江

至于敷淺原徐廣曰淺一作減駟案國語曰敷淺原一名博陽山在豫章道九

川弱水至於合黎鄭玄曰地理志弱水出張掖孔安國曰合黎水各在流沙東

餘波入於流沙孔安國曰弱水餘波西溢入流沙鄭玄曰地理志流沙居延西北名居延

澤地記曰弱水西流入合黎山腹餘波入于流沙通于南海馬融王肅皆云合黎流沙是地名道黑

水至于三危入於南海鄭玄曰地理志益州滇池有黑水祠而不記此

山水所在地記曰二危山在鳥鼠之西南孔安國曰黑水自北而南經三危過梁州入南海也道河

積石至于龍門南至華陰孔安國曰至華陰山北而東行東

至砥柱孔安國曰砥柱山名河水分流包山而過山見水中若柱然也在西號之界又東

至于盟津孔安國曰在洛北東過雒汭至于大邳孔安國曰在洛北

北過降水至于大陸鄭玄曰地理志降水處山再成曰邳

北播為九河同為逆河入于海鄭玄曰下尾合名曰逆河言相逆受也

嶓冢道漾東流為漢鄭玄曰地理志養水出隴西氏道至武都為漢至江夏謂之夏水

又東為蒼浪之水孔安國曰別流也在荊州過三澨入于大別孔安國曰三澨水名鄭玄曰在江夏音陵三界

南入于江東匯澤為彭蠡孔安國曰匯回也水東回為彭蠡大澤

東為北江入于海孔安國曰自彭蠡江分為三道入震澤遂為北江而入海汶

山道江東別為沱又東至于醴孔安國曰馬融王肅皆以醴為水名鄭玄曰醴陵名也大阜曰陵長沙有醴陵縣

過九江至于東陵孔安國曰東陵地名東為中江

入于海孔安國曰有北道沈水東為濟入于河

道沈水東為濟入于河

洪為滎鄭玄曰地里志沈水出河東東垣王屋山東至河內武德入河洪為滎孔安國曰濟在溫西北滎澤在

東南教倉東出陶丘北孔安國曰陶丘丘再成者也鄭玄曰地理志陶丘在濟陰定陶西北又

東至于荷孔安國曰荷澤之水又東北會于汶又東北

東至于汶又東北

入于海道淮自桐栢東會于泗沂東入于

海孔安國曰與泗沂二水合入海也道渭自鳥鼠同穴孔安國曰鳥鼠共為

雄雌同穴處此山遂東會于澧又東北至于涇名曰鳥鼠渭水出焉

東過漆沮入于河孔安國曰漆沮二水名亦曰洛水出馮翊北道維自

熊耳孔安國曰在宜陽之西東北會于澗瀍孔安國曰會於河南城南又

東會于伊孔安國曰會於雒陽之南東北入于河孔安國曰合於鞏之

也於是九州攸同四奧既居孔安國曰四方之邑已可居也

九山棊旅孔安國曰九州名山已九川滌孔安國曰滌除無壅塞也

原孔安國曰九州已滌除無壅塞也九澤既陂孔安國曰九州

之澤皆已陂障無汶溢也四海會同六府甚修孔安國曰六府金木水火土穀

衆土交正致慎財賦鄭玄曰衆土美惡及高下得其正矣亦致其貢篚慎奉其

財物之稅皆法定制而入之也咸則三壤成賦鄭玄曰三壤上中下各三等也中

國賜土姓祗台德先不距朕行鄭玄曰中即九州也天子建其

國諸侯祚之土賜之姓命之氏其勳悅天子之德既先又不距違我天子政教所行令天子

之國以外五百里甸服孔安國曰為天子之服治田去王城面五百里內

百里賦納總孔安國曰甸內近王城者二百里納

銍孔安國曰所銍刈謂禾穗三百里納秸服孔安國曰秸稾也服稾役四百里

粟五百里米孔安國曰所納精者少麤者多甸服外五百里侯

服孔安國曰侯侯也百里采馬融曰采事也二百里

任國孔安國曰任王事者三百里諸侯孔安國曰三百里同為王者斥侯故合三為名

侯服外五百里綏服孔安國曰綏安也服王者政教三百里揆

文教孔安國曰揆度也度王者文教而行之三百里皆同二百里奮武衛孔安國曰要束

國曰要束以文教也三百里夷孔安國曰守平常二百里蔡

馬融曰蔡法也受主者刑法而已要服外五百里荒服馬融曰政教荒忽因

其故俗而治之三百里蠻馬融曰蠻慢也禮簡二百里流

無城郭常居馬融曰流行東漸于海西被于流沙朔南暨

鄭玄曰朔北方也聲教訖于四海於是帝錫禹玄圭

以告成功于天下於是太平治臯陶作士

以理民帝舜朝禹伯夷臯陶相與語帝前

臯陶述其謀曰信其道德謀明輔和禹曰

然如何臯陶曰於慎其身修思長孔安國曰慎修其身

思禹長久之道敦序九族衆明高翼近可遠在已鄭玄

曰次序九族而親之以衆明作羽翼之臣此政由近可以及遠也禹拜美言曰然臯陶

曰於在知人在安民禹曰吁皆若是惟帝

其難之孔安國曰言帝堯亦以為難知人則智能官人能安

四百七

民則惠黎民懷之能知能惠何憂乎驩兜

何遷乎有苗何畏乎巧言善色佞人鄭玄曰禹為父

隱故言不及繇臯陶曰然於亦行有九德亦言其有

德乃言曰始事事孔安國曰言其人有德必言其所行事因事以為驗寬而

栗孔安國曰性寬弘而能莊栗柔而立孔安國曰和柔而能立事愿而共孔安

國曰慤愿而恭敬治而敬擾而毅徐廣曰擾一作柔駟案孔安國曰擾順也致果為毅

直而溫簡而廉剛而實疆而義章其有常

吉哉孔安國曰章明也吉善也日宣三德蚤夜翊明有家

孔安國曰九德三德之中有其二也卿大夫稱家明行之可以為卿大夫日嚴振敬六德

亮采有國孔安國曰嚴敬也行六德以信治政可為諸侯也馬融曰亮信采事也翕受普

施九德咸事俊又在官孔安國曰翕合也能合三六之德而用之以布施政

教使九德之人皆用事謂天子也如此則俊德理能之士並皆在官也百吏肅謹毋教邪

淫竒謀非其人居其官是謂亂天事天討

有罪五刑五用哉孔安國曰言用五刑必當吾言底可行

乎禹曰女言致可績行臯陶曰余未有知

思贊道哉帝舜謂禹曰汝亦昌言禹拜曰

於予何言予思日孳孳臯陶難禹曰何謂

孳孳禹曰鴻水滔天浩浩懷山襄陵下民

皆服於水。予陸行乘車，水行乘舟，泥行乘

橇。山行乘攢，行山禁水，與益予衆庶稻鮮

食。孔安國曰：鳥獸新殺曰鮮。以決九川，致四海浚畎澮。

鄭玄曰：澮，澮田也。致之川，與稷予衆庶難得之食。食

少，調有餘，補不足，徙居衆民，乃定萬國。爲

治臯陶曰：然此而美也。禹曰：於帝慎，乃在

位安爾止。鄭玄曰：安，汝之所止。無妄動，動則擾民。輔德天下，大應

清意，以昭待上帝，命天其重命，用休。鄭玄曰：天將重

命汝以美應，謂符瑞也。帝曰：吁！臣哉！臣哉！臣作朕股肱

耳目，予欲左右有民，女輔之。馬融曰：我欲左右助民，汝當翼成我也。

余欲觀古人之象，日月星辰，作文繡服色，

女明之。予欲聞六律，五聲八音，來始滑以

出入五言，女聽。駟案：尚書滑字作習音忽。鄭玄曰：習者，臣見君所秉書思對命者也。君

亦有焉，以出內政教於五官。予即辟女，匡拂子女，無面諛退

而謗。予敬曰：輔臣。駟案：尚書大傳曰：古者天子必有四隣，前曰疑，後曰丞，左曰輔，右曰弼。

諸衆讒嬖臣君。徐廣曰：臣一作吾。德誠施，皆清矣。

禹曰：然。帝即不時布同善惡，則毋功。孔安國曰：帝用

臣不是，則賢愚並位優劣同流故也。帝曰：毋若丹朱傲，維慢游是

好毋水行舟朋淫于家鄭玄曰朋用絕其世

予不能順是禹曰予辛壬娶塗山癸甲生

啓孔安國曰塗山國名辛日取妻至于甲四日復往治水也予不子以故能成

水土功輔成五服至于五千里州十二師

外薄四海咸建五長孔安國曰薄迫言至海也諸侯五國立賢

者一人為方伯謂之五長以相統治各道有功苗頑不即

功孔安國曰三苗頑凶不得就官善惡分別帝其念哉帝曰道

吾德乃女功序之也臯陶於是敬禹之德

令民皆則禹不如言刑從之舜德大明於

是臯行樂祖考至羣后相讓鳥獸翔舞簫

韶九成鳳皇來儀孔安國曰簫韶舞樂名百備樂九奏而致鳳皇也

獸率舞百官信諧帝用此作歌曰陟天之

命維時維幾孔安國曰奉正天命以臨民惟在順時惟在慎微乃歌曰股

肱善哉元首起哉百工喜哉孔安國曰股肱之臣喜樂盡忠君之治功

乃起百官之業乃廣臯陶拜首稽首揚言曰念哉鄭玄曰使羣臣

念帝之戒率為興事慎乃憲敬哉孔安國曰率臣下為起治之事當慎

汝法度敬其職乃更為歌曰元首明哉股肱良哉庶

事康哉舜又歌曰元首叢脞哉股肱惰哉

孔安國曰叢脞細碎無大略也君如此則臣懈惰萬事墮廢也帝拜曰然往欽哉

於是天下皆宗禹之明度數聲樂徐廣曰舜本記云禹

乃興九韶之樂為山川神主帝舜薦禹於天為嗣十

七年劉熙曰若此則舜格于文祖三年之後攝禹使得祭祀與而帝舜崩三年

喪畢禹辭辟舜之子商均於陽城劉熙曰今潁川陽城

是天下諸侯皆去商均而朝禹禹於是遂

即天子位皇甫謐曰都平陽或在安邑或在晉陽南面朝天下國

號曰夏后姓姒氏禮緯曰祖以吞薏苡生帝禹立而舉皋

陶薦之且授政焉而皋陶卒封皋陶之後

於英六徐廣曰史記皆作英字而以英布是此苗裔或在許皇覽曰皋伯家在廬江大縣

而后舉益任之政十年帝禹東巡狩至于

會稽而崩皇甫謐曰年百歲也以天下授益三年之喪

畢益讓帝禹之子啓而辟居箕山之陽孟

曰陽字一作陰劉禹子啓賢天下屬意焉及禹

照曰崇高之北崩雖授益益之佐禹日淺天下未洽故諸

侯皆去益而朝啓曰吾君帝禹之子也於

是啓遂即天子之位是為夏后帝啓禹之

子其母塗山氏之女也有扈氏不服地理志曰扶風

霽縣是
亳國 啓伐之大戰於甘馬融曰甘有亳氏南郊地名將戰作

甘誓乃召六卿申之孔安國曰天子六卿其將皆命卿也啓曰嗟

六事之人孔安國曰各有軍事故曰六事予誓告女有扈氏威

侮五行怠棄三正鄭玄曰五行四時盛德所行之政也威侮暴逆之三正天地人之正

道天用勦絕其命孔安國曰勦截也今予維共行天

之罰孔安國曰共奉也左不攻于左右不攻于右女

不共命鄭玄曰左車左右車右御非其馬之政女不共

命孔安國曰御以正馬為政也三用命賞

于祖孔安國曰天子親征必載遷廟之祖主行有功即賞祖王前示不專也不用

命僂于社孔安國曰又載社主謂之社事奔北則僂之社主前社主陰陰主殺也予則

帑僂女孔安國曰非但止身辱及汝子言耻累之遂滅有扈氏天下

咸朝夏后帝啓崩徐廣曰皇甫謐曰夏啓元年甲辰十年癸丑崩子帝

太康立

帝太康失國孔安國曰盤于游田不恤民事為羿所逐不得反國昆弟五人

須于洛汭作五子之歌孔安國曰太康五弟與其母待太康于洛水之北怨

其不反故作歌太康崩弟中康立是為帝中康

帝中康時羲和湏淫廢時亂日孔安國曰羲氏和氏掌天地四

時之官太康之後沈湎於酒廢天時亂甲乙也胤往征之作胤征孔安國曰胤國

之君受王命往征之鄭玄曰胤臣名中康崩子帝相立 帝相崩

子帝少康立 帝少康崩子帝予立 帝

予崩子帝槐立帝槐崩子帝芒立 帝芒

崩子帝泄立 帝泄崩子帝不降立 帝

不降崩弟帝局立 帝局崩子帝廛立

帝廛崩立帝不降之子孔甲是為帝孔甲

帝孔甲立好方鬼神事淫亂夏后氏德衰

諸侯畔之天降龍二有雌雄孔甲不能食

未得豢龍氏賈逵曰豢養也穀食曰豢陶唐既衰其后有

劉累服虔曰后劉累之為諸侯者夏后賜之姓學擾龍應邵曰擾音柔擾馴也能順養

得其于豢龍氏以事孔甲孔甲賜之姓曰

御龍氏服虔曰御亦養受豕韋之後徐廣曰受一作更駟案

商不絕以代豕韋之後祝融之後封於豕韋殷武丁滅之以劉累之後代之龍一雌死以食

夏后夏后使求懼而遷去賈逵曰夏后既饗而

能得而懼也傳曰遷于魯縣孔甲崩子帝皐立帝皐崩左傳曰

敬南子帝發立帝發崩子帝履癸立是為

桀帝桀之時謚法賊人多殺曰桀自孔甲以來而諸侯

多畔夏桀不務德而武傷百姓弗堪廼召

湯而囚之夏臺已而釋之湯修德諸侯皆

歸湯湯遂率兵以伐夏桀桀走鳴條孔安國地安國

邑之西鄭玄曰南夷地名遂於而死徐廣曰從禹至桀十

豕紀年曰有王焉無王用歲四百七十一年矣桀謂人曰吾悔不遂

殺湯於夏臺使至此湯乃踐天子位代夏

朝天下湯封夏之後至周封於杞也

太史公曰禹為姒姓其後分封用國為姓

故有夏后氏有扈氏有男氏斟尋氏彤城

氏褒氏費氏徐廣曰云斟氏尋氏杞氏繒氏辛氏冥氏

斟氏戈氏孔子正夏時學者多傳夏小正

云禮運稱孔子曰我欲觀夏道是故之杞而不足徵也吾得夏時焉鄭玄曰得夏四時之書其存者有

小自虞夏時貢賦備矣或言禹會諸侯江

南計功而崩因葬焉命曰會稽會稽者會

計也皇覽曰禹冢在山陰縣會稽山上會稽山本名苗山在縣南去縣七里越傳曰禹到大越上苗

山大會計爵有德封有功因而更名苗山曰會稽山

病死葬篋棺穿墻深七尺上無漏泄下無郵水壇高三尺土階三等周方一畝呂氏春秋曰禹葬會稽不

煩人徒墨子曰禹葬會稽衣裘三領桐棺三寸沈埋志云山上有禹井禹祠相傳以為下有羣鳥耘田也

夏本紀第二



殷本紀第三

史記三

殷契母曰簡狄有娥氏之女

淮南子曰有娥在不周之北

為

帝嚳次妃三人行浴見玄鳥墮其卵簡狄取吞之因孕生契契長而佐禹治水有功

帝舜乃命契曰百姓不親五品不訓汝為

司徒而敬敷五教五教在寬封於商

鄭玄曰商國在

太華之陽皇甫謐曰今上洛商是也

賜姓子氏

禮緯曰祖以玄鳥生子也

契興於

唐虞大禹之際功業著於百姓百姓以平

契卒子昭明立 昭明卒子相土立

宋忠曰相土就

契封於商春秋左氏傳曰
相土卒子昌若立

昌若卒子曹圉立曹圉卒子冥立
宋忠曰冥司空勤其

官事死於水中
冥卒子振立振卒子微

立 微卒子報丁立 報丁卒子報乙立

報乙卒子報丙立 報丙卒子主壬立

主壬卒子主癸立 主癸卒子天乙立

是為成湯成湯
張晏曰禹湯皆字也二王去唐虞之文從高陽之質故夏殷之王皆以名為號

謚法曰除虐
去殘曰湯 自契至湯八遷
孔安國曰十四世凡八徙國都 湯

始居亳
皇甫謐曰梁國穀孰為南亳即湯都也 從先王居
孔安國曰契父帝嚳

都亳湯自商丘遷
焉故曰從先王居 作帝誥湯征諸侯
孔安國曰為夏方伯

得專 葛伯不祀湯始伐之
孟子曰湯居亳與葛伯為鄰地理志曰葛今

梁國寧陵
之葛鄉 湯曰予有言人視水見形視民知

治不伊尹曰明哉言能聽道乃進君國子

民為善者皆在王官勉哉勉哉湯曰女不

能敬命予大罰殛之無有攸赦作湯征伊

尹名阿衡阿衡欲干湯而無由乃為有莘

氏媵臣
列女傳曰湯妃有莘氏之女 負鼎俎以滋味說湯

致於王道或曰伊尹處士湯使人聘迎之

契封於商春秋左氏傳曰
相土卒子昌若立

昌若卒子曹圉立曹圉卒子冥立
宋忠曰冥司空勤其

官事死於水中
冥卒子振立振卒子微

立 微卒子報丁立 報丁卒子報乙立

報乙卒子報丙立 報丙卒子主壬立

主壬卒子主癸立 主癸卒子天乙立

是為成湯成湯 張晏曰禹湯皆字也二王去唐虞之文從高陽之質故夏殷之王皆以名為號

謚法曰除虐 自契至湯八遷 孔安國曰十四世凡八徙國都 湯

始居亳 皇甫謐曰梁國穀孰為南亳即湯都也 從先王居 孔安國曰契父帝嚳

都亳湯自商丘遷焉故曰從先王居 作帝誥湯征諸侯 孔安國曰為夏方伯

得專 葛伯不祀湯始伐之 孟子曰湯居亳與葛伯為鄰地理志曰葛今

梁國寧陵之葛鄉 湯曰予有言人視水見形視民知

治不伊尹曰明哉言能聽道乃進君國子

民為善者皆在王官勉哉勉哉湯曰女不

能敬命予大罰殛之無有攸赦作湯征伊

尹名阿衡阿衡欲干湯而無由乃為有莘

氏媵臣 列女傳曰湯妃有莘氏之女 負鼎俎以滋味說湯

致於王道或曰伊尹處士湯使人聘迎之

五反然後肯往從湯言素王及九主之事

劉向別錄曰九主者有法君專君授君勞君等君寄君破君國君三歲社君凡九品圖書其形湯舉

任以國政伊尹去湯適夏既醜有夏復歸于

亳入自北門遇女鳩女房作女鳩女房孔安國曰

鳩房二人湯之賢臣也二篇皆所以醜夏而還之意也湯出見野張網四

面祝曰自天下四方皆入吾網湯曰嘻盡

之矣乃去其三面祝曰欲左左欲右右不用

命乃入吾網諸侯聞之曰湯德至矣及禽

獸當是時夏桀為虐政滌荒而諸侯昆吾

氏為亂湯乃興師率諸侯伊尹從湯湯自

把鉞以伐昆吾遂伐桀湯曰格汝眾庶來

女悉聽朕言匪台小子馬融曰台我也敢行舉亂有

夏多罪予維聞女眾言夏氏有罪予畏上

帝不敢不正孔安國曰不敢不正桀之罪而誅之今夏多罪天命

殛之今女有眾女曰我君不恤我眾舍我

嗇事而割政孔安國曰奪民農功而為割剝之政女其曰有罪其

柰何夏王率止眾力率奪夏國孔安國曰桀之君臣相率

遏止眾力使不得事農相率割剝夏之邑居有眾率怠不和馬融曰

相率割剝夏之邑居

率息憤不和同曰是日何時喪予與女皆亡尚書大傳曰桀云天

之有日猶吾之有民曰有亡哉曰亡吾亦亡矣夏德若茲今朕必往爾

尚及予一人致天之罰予其大理女尚書理字作賚

鄭玄曰賚賜也女母不信朕不食言女不從誓言予

則帑僂女無有攸赦以告令師作湯誓於是

是湯曰吾甚武號曰武王詩云武王載旃有虔秉鉞毛傳曰武王湯也

宋敗於有娥之墟桀犇於鳴條夏師敗績

湯遂伐三豎俘厥寶玉孔安國曰三豎國名桀走保之今定陶也俘取也

義伯仲伯作典寶孔安國曰二臣作典寶湯既

勝夏欲遷其社不可孔安國曰欲變置社稷而後世無及句龍者故不可而止

作夏社孔安國曰言夏社不可遷之義伊尹報徐廣曰一去伊尹報政於是諸

侯服湯乃踐天子位平定海內湯歸至

于泰卷陶徐廣曰一無此陶字孔安國曰地名湯自三豎而還中囁作誥

孔安國曰仲虺湯左相奚仲之後既紂夏命孔安國曰紂其王命還亳作湯

誥維三月王自至於東郊告諸侯羣后母

不有功於民勤力廼事予乃大罰殛女母

予怨曰古禹臯陶久勞于外其有功乎民

民乃有安東為江北為濟西為河南為淮

四瀆已脩萬民乃有居后稷降播農殖百穀三公咸有功于民故后有立徐廣曰一作土昔蚩

尤與其大夫作亂百姓帝乃弗予音與有狀

先王言不可不勉曰不道母之徐廣曰一作政在國

女母我怨以令諸侯伊尹作咸有一德王肅

曰言君臣皆有一德咎單作明居馬融曰咎單湯司空也明居民之法也湯乃

改正朔服色上白朝會以晝湯崩皇覽曰湯冢在

濟陰亳縣北東郭去縣三里冢四方方各十步高七尺上平處平地漢哀帝建平元年大司空史御長卿

案行水災曰行湯冢劉向曰殷湯無葬處皇甫謐曰即位十七年而踐天子位為天子十三年年百歲而崩

太子太丁未立而卒於是廼立太丁之弟

外丙是為帝外丙 帝外丙即位三年崩

立外丙之弟中壬是為帝中壬 帝中壬

即位四年崩伊尹廼立太丁之子太甲太

甲成湯適長孫也是為帝太甲 帝太甲

元年伊尹作伊訓作肆命作徂后鄭玄曰肆

教所當為也徂后者言湯之法度也帝太甲既立三年不明

暴虐不遵湯法亂德於是伊尹放之於桐

宮孔安國曰湯葬地鄭玄曰地名也有王離宮焉三年伊尹攝行政當

國以朝諸侯帝太甲居桐宮三年悔過自責反善於是伊尹廼迎帝太甲而授之政帝太甲修德諸侯咸歸殷百姓以寧伊尹嘉之廼作太甲訓三篇褒帝太甲稱太宗太宗崩子沃丁立 帝沃丁之時伊尹卒既葬伊尹於亳皇覽曰伊尹冢在濟陰已氏平利鄉亳近已氏答單遂訓伊尹事作沃丁沃丁崩弟太庚立是為帝太庚 帝太庚崩子帝小甲立徐廣曰世表云帝小甲太庚弟也帝小甲崩弟雍已立是為帝雍已殷

道衰諸侯或不至帝雍已崩弟太戊立是

為帝太戊帝太戊立伊陟為相孔安國曰伊陟伊尹之子

亳有祥桑穀共生於朝一暮大拱孔安國曰祥妖怪也

二木合生不恭之罰鄭玄曰兩手搯之曰拱帝太戊懼問伊陟伊陟

曰臣聞妖不勝德帝之政其有關與帝其

修德太戊從之而祥桑枯死而去伊陟贊

言于巫咸孔安國曰贊告也巫咸臣名也巫咸治王家有成

作咸艾馬融曰艾治也作太戊帝太戊贊伊陟于廟

言弗臣伊陟讓作原命馬融曰原臣名也命原以禹湯之道我所修也

殷復與諸侯歸之故稱中宗中宗崩子帝

仲丁立帝仲丁遷于傲孔安國曰地名皇甫謐曰或云河南敖倉是

河亶甲居相孔安國曰地名在河北祖乙遷于邢帝仲丁

崩弟外壬立是為帝外壬中丁書闕不具

帝外壬崩弟河亶甲立是為帝河亶甲河

亶甲時殷復興衰河亶甲崩子帝祖乙立帝

祖乙立殷復興巫賢任職祖乙崩子帝祖

辛立帝祖辛崩弟沃甲立是為帝沃甲帝

沃甲崩立沃甲兄祖辛之子祖丁是為帝

祖丁帝祖丁崩立弟沃甲之子南庚是為

帝南庚帝南庚崩立帝祖丁之子陽甲是

為帝陽甲帝陽甲之時殷衰自中丁以來

廢適而更立諸弟子弟子或爭相代立比

九世亂於是諸侯莫朝帝陽甲崩弟盤庚

立是為帝盤庚帝盤庚之時殷已都河北

盤庚渡河南復居成湯之故居廼五遷無

定處孔安國曰自湯至盤庚凡五遷都殷民咨胥皆怨不欲徙

孔安國曰胥相也民不欲徙皆咨嗟憂愁相與怨其上也盤庚乃告諭諸侯大

臣曰昔高后成湯與爾之先祖俱定天下法則可修舍而弗勉何以成德乃遂涉河

南治亳鄭立曰治於亳之殷地商家自此徙而行改號曰躬亳皇甫謐曰今偃師是也

湯之政然後百姓由寧躬道復興諸侯來

朝以其遵成湯之德也帝盤庚崩弟小辛

立是為帝小辛帝小辛立躬復衰百姓思

盤庚廼作盤庚三篇帝小辛崩弟小乙立

昇為帝小乙帝小乙崩子帝武丁立帝武

丁即位思復興躬而未得其佐三年不言

政事決定於冢宰鄭立曰冢宰天官卿貳王事者以觀國風

武丁夜夢得聖人名曰說以夢所見視群

臣百吏皆非也於是廼使百工營求之野

得說於傅險中徐廣曰尸子云傅巖在北海之洲是時說為胥

靡築於傅險孔安國曰傅氏之巖在虞號之界通道所經有澗水壞道常使胥靡刑人

築護此道說賢而隱代胥靡築之以供食也見於武丁武丁曰是也

得而與之語果聖人舉以為相殷國大治

故遂以傅險姓之號曰傳說帝武丁祭成

湯明日有飛雉登鼎耳而响武丁懼祖已

曰孔安國曰賢臣各王勿憂先修政事祖已乃訓王

曰唯天監下典厥義孔安國曰言天視下民以義為常也降年有

永有不永非天天民中絕其命民有不若

德不聽罪天既附命正厥德孔安國曰不順德言無義也不

服罪不改修也天以信命正其德謂其有永有不永乃曰其柰何嗚呼王

嗣敬民罔非天繼常祀毋禮于弃道孔安國曰

主者主民當敬民事無非大時天時所常祀也祭祀有常不當時豐於近也武丁修政

行德天下咸驩殷道復興帝武丁崩子帝

祖庚立祖已嘉武丁之以祥雉為德立其

廟為高宗遂作高宗彤日及訓孔安國曰祭之明日又祭祭殷

彤周帝祖庚崩弟祖甲立是為帝甲帝甲淫

亂殷復衰帝甲崩子帝廩辛立帝廩辛崩

弟庚丁立是為帝庚丁帝庚丁崩子帝武

乙立殷復去亳徙河北帝武乙無道為偶

人謂之天神與之博令人為行天神不勝

乃僂辱之為革囊盛血仰而射之命曰射

天武乙獵於河渭之間暴雷武乙震死子

帝太丁立帝太丁崩子帝乙立帝乙立殷

益衰帝乙長子曰微子啓啓母賤不得嗣
少子辛辛母正后辛為嗣帝乙崩子辛立
是為帝辛天下為之紂謚法曰殘義損善曰紂帝紂資
辨捷疾聞見甚敏材力過人手格猛獸知
足以距諫言足以飾非矜人臣以能高天
下以聲以為皆出已之下好酒淫樂嬖於
婦人愛妲己皇甫謐曰有蘇氏美女妲己之言是從於
是使師涓作新淫聲北里之舞靡靡之樂
厚賦稅以實鹿臺之錢如淳曰新序曰鹿臺其大三里高千尺噴曰鹿

臺臺名今在朝歌城中

而盈鉅橋之粟

服虔曰鉅橋倉名許慎曰鉅鹿水之大橋

也有漕粟也

益收狗馬奇物充仞宮室益廣沙丘

苑臺

爾雅曰迤邐沙丘也地理志曰在鉅鹿東北七十里

多取野獸蜚鳥置

其中慢於鬼神大最樂戲於沙丘

徐廣曰最一作聚

以酒為池縣肉為林使男女僕相逐其間為
長夜之飲百姓怨望而諸侯有畔者於是紂
乃重刑辟有炮烙之法列女傳曰膏銅柱下加之炭令有罪者行焉輒墮炭

中妲己笑名曰炮烙之刑

以西伯昌九侯

徐廣曰一作鬼侯鄂侯

徐廣曰一作邶音于野王縣有邶城

為三公九侯有好女入之紂九

侯女不憚淫

徐廣曰一云無不憚淫

紂怒殺之而醢九

侯鄂侯爭之強辨之疾并脯鄂侯西伯昌

聞之竊嘆崇侯虎知之以告紂紂囚西伯

姜里

地理志曰河內湯陰有姜里城西伯所拘處韋昭曰音酉

西伯之臣閔

天之徒求美女奇物善焉以獻紂紂乃赦

西伯西伯出而獻洛西之地以請除炮烙

之刑紂乃許之賜弓矢斧鉞使得征伐為

西伯而用費中為政費中善諛好利殷人

弗親紂又用惡來惡來善毀讒諸侯以此

益疏西伯歸乃陰修德行善諸侯多叛紂

而往歸西伯西伯滋大紂由是稍失權重

王子比干諫弗聽商容賢者百姓愛之紂

廢之及西伯伐飢國滅之

徐廣曰飢一作既又作者

紂之

臣祖伊

孔安國曰祖已後賢臣也

聞之而咎周

孔安國曰咎惡也

恐

奔告紂曰天既訖我躬命假人元龜

徐廣曰元一作卜

無敢知吉

馬融曰元龜大龜也長尺二寸孔安國曰至人以人事觀於大龜以神靈考之皆無

知吉

非先王不相我後人

孔安國曰相助也

維王淫虐

用自絕故天弃我不有安食不虐知天性

不迪率典

鄭玄曰王暴虐於民使不得安食逆亂陰陽不度天性傲很明德不修教法者

今我民罔不欲喪曰天曷不降威大命胡不至今王其柰何紂曰我生不有命在天乎祖伊反曰紂不可諫矣西伯既卒周武王之東伐至盟津諸侯叛殷會周者八百諸侯皆曰紂可伐矣武王曰爾未知天命乃復歸紂愈淫亂不止微子數諫不聽乃與太師少師謀遂去比干曰為人臣者不得以死爭迺強諫紂怒曰吾聞聖人

心有七竅剖比干觀其心箕子懼乃詳狂為奴紂又囚之殷之太師少師乃持其祭樂器奔周周武王於是遂率諸侯伐紂紂亦發兵距之牧野鄭玄曰牧野紂南郊地名也甲子日紂兵

敗紂走入登鹿臺徐廣曰鹿一作臺衣其寶玉衣赴火

而死周武王遂斬紂頭縣之白旗殺妲己釋

箕子之囚封比干之墓表商容之間封紂子

武庚祿父以續殷祀譙周曰殷凡三十一世六百餘年

下九王用歲四百九十六年也令修行盤庚之政殷民大說於

是周武王爲天子其後世貶帝號號爲王
而封殷後爲諸侯屬周周武王崩武庚與
管叔蔡叔作亂成王命周公誅之而立微
子於宋以續殷後焉

六史公曰余以頌次契之事自成湯以來
采於書詩契爲子姓其後分封以國爲姓
有殷氏來氏宋氏空桐氏稚氏北殷氏曰
夷氏孔子曰殷路車爲善而色尚白

殷本紀第三